



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Agenda, Sev Ritvale Osnabrvdense**

**Franz Wilhelm <Osnabrück, Bischof>**

**Coloniæ Agrippinæ**

Preces, dicendæ in Litaniis, tempore belli.

**urn:nbn:de:hbz:466:1-41233**

litemque propitiatus avertet; ut mortalium  
corda cognoscant, & te indignante talia fla-  
gella prodire, & te miserante cessare. Per Do-  
minum nostrum &c.

Preces, dicendæ in Litanis, tempore  
belli.

*Pag. 156.* **P** *Eractis omnibus, ut supra, in Litanis majoribus;*  
*ad finem Litaniarum dicitur, Pater noster, &c.*  
*Vers. Et ne nos inducas in tentationem. Resp.*  
*Sed libera nos à malo.*

*Psalmus 45.*

**D** *Eus noster refugium & virtus : adjutor  
in tribulationibus, quæ invenerunt nos  
nimis.*

*Propterea non timebimus dum turbabitur  
terra : & transferentur montes in cor maris.*

*Sonuerunt & turbatæ sunt aquæ eorum :  
conturbati sunt montes in fortitudine ejus.*

*Fluminis impetus lætificat civitatem Dei :  
sanctificavit tabernaculum suum Altissimus.*

*Deus in medio ejus non commovebitur :  
adjuvabit eam Deus mane diluculo.*

*Conturbatæ sunt gentes, & inclinata sunt  
regna : dedit vocem suam, mota est terra.*

*Dominus virtutum nobiscum : susceptor  
noster Deus Iacob.*

Ve-

Venite, & videte opera Domini, quæ poſuit prodigia ſuper terram: auferens bella uſque ad finem terræ.

Arcum conteret, & confringet arma: & ſcuta comburet igni.

Vacate, & videte quoniam ego ſum Deus: exaltabor in gentibus, & exaltabor in terra.

Dominus virtutum nobiſcum: ſuſceptor noſter Deus Iacob.

Gloria Patri, & Filio, & Spiritui ſancto. Sicut &c.

*Verſ.* Exurge Domine, adiuua nos. *Reſp.* Et libera nos propter nomen tuum. *Verſ.* Saluum fac populum tuum, Domine. *Reſp.* Deus meus, ſperantem in te. *Verſ.* Fiat pax in virtute tua. *Reſp.* Et abundantia in turribus tuis.

*Verſ.* Eſto nobis, Domine, turris fortitudinis. *Reſp.* A facie inimici. *Verſ.* Arcum contere, & confringe arma. *Reſp.* Et ſcuta combure igni.

*Verſ.* Mitte nobis Domine auxilium de Sancto. *Reſp.* Et de Sion tuere nos. *Verſ.* Domine, exaudi orationem meam. *Reſp.* Et clamor meus ad te veniat. *Verſ.* Dominus vobiſcum. *Reſp.* Et cum ſpiritu tuo.

Oremus.

**D**eus, qui conteris bella, & impugnatores in te ſperantium, potentiâ tuæ defenſio-

nis, expugnas ; auxiliare famulis tuis, implorantibus misericordiam tuam, ut, inimicorum suorum feritate depressa, incessabili te gratiarum actione laudemus.

*Oratio.*

**D**Eus, à quo sancta desideria, recta consilia, & iusta sunt opera ; da servis tuis illam, quam mundus dare non potest, pacem, ut & corda nostra mandatis tuis dedita, & hostium sublata formidine, tempora sint tua protectione tranquilla. *Oratio.*

**H**ostium nostrorum, quæsumus Domine, elide superbiam, & eorum contumaciam dexteræ tuæ virtute prosterne. Per Dominum nostrum Iesum Christum, &c.

*Si verò bellum est contra Turcas, & alios infideles, vel Hæreticos ; inter preces Litaniarum bis dicatur : Ut inimicos sanctæ Ecclesiæ humiliare digneris, Te rogamus audi nos. & addatur : Ut Turcarum, vel Hæreticorum, conatus reprimere, & ad nihilum redigere digneris, Te rogamus &c. & dicto Pater noster, dicatur.*

*Psalmus 78.*

**D**Eus, venerunt gentes in hæreditatem tuam, polluerunt templum sanctum tuum : posuerunt Ierusalem in pomorum custodiam.

Po-

Posuerunt morticina fervorum tuorum  
escas volatilibus cæli: carnes sanctorum tuo-  
rum bestiis terræ.

Effuderunt sanguinem eorum tanquam  
aquam in circuitu Ierusalem: & non erat qui  
sepeliret.

Facti sumus opprobrium vicinis nostris:  
subfannatio & illusio his, qui in circuitu  
nostro sunt.

Vsquequo, Domine, irascêris in finem: ac-  
cendetur, velut ignis, zelus tuus?

Effunde iram tuam in gentes, quæ te non  
noverunt: & in regna, quæ nomen tuum non  
invocaverunt.

Quia comederunt Iacob: & locum ejus  
desolaverunt.

Ne memineris iniquitatum nostrarum an-  
tiquarum, cito anticipent nos misericordiæ  
tuæ: quia pauperes facti sumus nimis.

Adjuva nos, Deus salutaris noster, & pro-  
pter gloriam nominis tui, Domine, libera  
nos: & propitius esto peccatis nostris pro-  
pter nomen tuum.

Ne forte dicant in gentibus, Vbi est Deus  
eorum? & innotescat in nationibus coram  
oculis nostris.

Vltio sanguinis fervorum tuorum qui effu-

ſus

fus est: introëat in conspectu tuo gemitus compeditorum.

Secundum magnitudinem brachii tui: posside filios mortificatorum.

Et redde vicinis nostris septuplum in sinu eorum: improperium ipsorum, quod exprobraverunt tibi Domine.

Nos autem populus tuus, & oves pascuæ tuæ: confitebimur tibi in sæculum.

In generationem & generationem: annuntiabimus laudem tuam.

Gloria Patri, &c.

*Vers.* Salvos fac servos tuos. *Resp.* Deus meus sperantes in te. *Vers.* Esto nobis, Domine, turris fortitudinis. *Resp.* A facie inimici. *Vers.* Nihil proficiat inimicus in nobis. *Resp.* Et filius iniquitatis non apponat nocere nobis. *Vers.* Hostium nominis tui, Domine, elide superbiam. *Resp.* Et eorum contumaciam dexteræ tuæ virtute prosterne. *Vers.* Fiant tanquam pulvis ante faciem venti. *Resp.* Et Angelus Domini persequatur eos. *Vers.* Effunde iram tuam in gentes, quæ te non noverunt. *Resp.* Et in regna, quæ nomen tuum non invocaverunt. *Vers.* Mitte nobis, Domine, auxilium de Sancto. *Resp.* Et de Sion tuere nos. *Vers.* Domine, exaudi ora-

tionem

tionem meam. *Resp.* Et clamor meus ad te  
veniat. *Vers.* Dominus vobiscum. *Resp.* Et cum  
spiritu tuo.

*Oremus.*

**D**A, quæsumus, Ecclesiæ tuæ, misericors  
Deus, ut, sancto Spiritu congregata,  
hostili nullatenus incursione turbetur.

*Oratio.*

**D**Eus, qui culpâ offenderis, pœnitentiâ  
placaris; preces populi tui supplicantis  
propitius respice; & flagella tuæ iracundiæ,  
quæ pro peccatis nostris meremur, averte.

*Oratio.*

**O**Mnipotens sempiterne Deus, in cujus  
manu sunt omnium potestates, & om-  
nium jura regnorum; respice in auxilium  
Christianorum, ut gentes Turcarum, (*sen*  
*Hæreticorum,*) quæ in sua feritate confidunt,  
dexteræ tuæ potentia conterantur. Per Do-  
minum nostrum Iesum Christum, &c. Exau-  
diat nos Dominus. *Resp.* Amen.

Processio in quacunque tribu-  
latione.

**S**ervatis omnibus, ut supra, in Litanis majori-  
bus, ac finitis Litanis, dicitur, Pater no-  
ster, &c. *Pag. 156.*

T t t

*Vers.*